

夢梁錄卷六

錢塘 吳自牧 著

十月

十月孟冬正小春之時蓋因天氣融和百花間有開一二朶者似乎初春之意思故曰小春月中雨謂之液雨百蟲飲此水而藏蟄至來春驚蟄雷始發聲之時百蟲方出蟄朔日朝廷賜宰執以下錦名曰授衣其賜錦花色依品從給賜百官入朝起居衣錦襖三日士庶以十月節出郊掃松祭祀墳塋內庭車馬差宗室南班往攢宮行朝陵禮有司進煖鑪炭太廟享新以告冬朔諸大刹寺院設開鑪齋供貴家新裝煖閣低垂繡幙老穉團圍淺斟低唱以應開鑪之序

立冬

立冬日朝廷差官祀神州地祇天神太乙十五日水官解厄之日宮觀士庶設齋建醮或解厄或薦亡立冬之後如遇瑞雪應序朝廷支給雪寒錢關會二十萬以賜軍民官放公私賃錢五七十以示優恤

孟冬行朝饗禮遇明禋歲行恭謝禮

每歲孟冬例于上旬行孟冬禮遇明禋行恭謝禮係先
一日朝饗次日方行恭謝百官與宰相起居在學士院
伺候駕出景靈宮待旦催班入帝廷殿中椽燭徹空明
衛軍拱立聽宣輦華炬金蓮引駕行駕前教樂所伶工
導行作樂逍遙輦後鈞容直動鼓吹從後詣景靈宮行
恭謝禮禮成就西齋殿賜平章執政親王百官宴盞次
食品並如朝會聖節同凡羣臣飲量內侍先奏定酒斟
淺深每盞用平尺量分數各有定數不得畱殘前筵畢
上降輦轉御屏百官小歇傳宣賜羣臣以下簪花從駕

夢梁錄卷六

二

衛士起居官把路軍士人等並賜花檢會要嘉定四年
十月十九日降旨遇大朝會聖節大宴及恭謝回鑾主
上不簪花又條具遇聖節朝會宴賜羣臣通草花遇恭
謝親饗賜羅帛花其臣僚花朵各依官序賜之宰臣樞
密使合賜大花十八朵欒枝花十朵樞密使同簽書樞
密使院事賜大花十四朵欒枝花八朵敷文閣學士賜
大花十二朵欒枝花六朵知閣官係正任承宣觀察使
賜大花十朵欒枝花八朵正任防禦使至刺史各賜大
花八朵欒枝花四朵橫行使副賜大花六朵欒枝花二

朶待制官大花六朶朶枝花二朶橫行正使賜大花八朶朶枝花四朶武功大夫至武翼賜大花六朶正使皆朶枝花二朶帶遙郡賜大花八朶朶枝花二朶閣門宣贊舍人大花六朶簿書官加朶枝花二朶閣門祇候大花六朶朶枝花二朶樞密院諸房逐房副使承旨大花六朶大使臣大花四朶諸色祇應人等各賜大花二朶自訓武郎以下武翼郎以下並帶職人並依官序賜花簪戴快行官帽花朵細巧並隨柳條教樂所伶工雜劇色渾裹上高簇花枝中間裝百戲行則動轉諸司人員

夢梁錄卷六

三

如局幹殿幹及百司下親事等官多有珠翠花朵裝成花帽者惟獨至尊不簪花止平等輦後四黃羅扇影花而已都人瞻仰天表御街遠望如錦向有朝臣吟二十八字曰景靈行駕到和寧頭上宮花射綵雲歸向慈嚴誇盛事誓殫忠力報吾君又有恭謝一二詞詠之名滿庭芳鳳閣祥烟龍城佳氣明禋恭謝時豐綺羅爭看簾幙捲南風十里仙儀寶仗暖紅翠玉碾玲瓏鑾回也簫韶緩奏聲在五雲中千官迎萬乘絲綸疊疊錦繡重重聽鳴稍輦路宴罷鰲宮瞻仰天顏有喜君恩霈寰宇雍

容生平願洪基鞏固聖壽永無窮慶清朝銀漏花殘紅
消燭淚九重魚鑰韶聲沸奏萬乘祥曦門外葢聖君恭
謝靈休謹訪景明嘉禮天意好祥風瑞月時正當小春
天氣禁街十里香中御輦萬紅影裏千官花底控繡勒
寶鞭搖曳看萬年永慶吾皇撚指又瞻三載御街行時
康三載昇平世恭謝三朝禮羣臣禁衛戴花回觀巷兒
郎精銳戰袍新樣團雕擁重隘圍子隊繡衣花帽挨排
砌錦仗天街裏有如仙隊玉京來妙樂鈞天盈耳都民
觀望時果是消災滅罪瑞鶴仙歡聲盈萬戶慶景靈禮

夢梁錄卷六

四

畢鑾輿遊步西郊煖風布喜湖山深鎖非烟非霧傳收
繡羽驂駟馳驟絨縷望彤芳穩穩金鑾袞鸞翔舞雲馭
近回天廡錫宴瓊津洪恩均顧霞天向暮翠華動舞韶
舉絳紗籠千點星飛清禁銀燭交輝輦路瑞光中渺祝
無疆太平聖主車駕還內后妃殿閣蒙頌犒餅截高裝
數百重均給隨鑾禁衛士狼餐皆有喜歡容

十一月冬至

十一月仲冬正當小雪大雪氣候大抵杭都風俗舉行
典禮四方則之爲師最是冬至歲節士庶所重如餽送

節儀及舉盃相慶祭享宗禋加于常節士庶所重如晨
雞之際太史觀雲氣以下休祥一陽後日晷漸長比孟
月則添一線之功杜甫詩曰愁日愁隨一線長正謂此
也此日宰臣以下行朝賀禮士夫庶人互相爲慶太廟
行薦黍之典朝廷命宰執祀於園丘官放公私僦金三
日車駕詣攢宮朝享

十二月

季冬之月正居小寒大寒時候若此月雨雪連綿以細
民不易朝廷賜關會給散軍民賃錢公私放免不徵自

夢梁錄卷六

五

冬至後戌日數至第三戌便是臘日謂之君王臘臘月
內可鹽猪羊等肉或作腊犯法魚之類過夏皆無損壞
惠民局及士庶脩製臘藥俱無蟲蛀之患此月八日寺
院謂之臘八大刹等寺俱設五味粥名曰臘八粥亦設
紅糟以麩乳諸果笋芋爲之供僧或餽送檀施貴宅等
家二十四日不以窮富皆備蔬食餚豆祀竈此日市閒
及街坊叫買五色米食花果膠牙餚箕豆叫聲鼎沸其
夜家家以燈照於臥牀下謂之照虛耗二十五日士庶
家煮赤豆粥祀食神名曰人口粥有貓狗者亦與焉不

知出于何典考之此月雖無節序而豪貴之家如天降
瑞雪則開筵飲宴墜雪獅裝雪山以會親朋淺斟低唱
倚玉偎香或乘騎出湖邊看湖山雪景瑤林瓊樹翠峰
似玉畫亦不如詩人才子遇此景則以臘雪煎茶吟詩
詠曲更唱迭和或遇晴明則邀朋約友夜遊天街觀舞
隊以預賞元夕歲旦在邇席鋪百貨畫門神桃符迎春
牌兒紙馬鋪印鍾馗財馬迴頭馬等饋與主顧更以蒼
朮小棗辟瘟丹相遺如宮觀羽流以交年疏仙朮湯等
送檀施家醫士亦餽屠蘇袋以五色線結成四金魚同

夢梁錄卷六

六

心結子或百事吉結子並以諸品湯劑送與主顧第宅
受之懸于額上以辟邪氣街市撲買錫打春旛勝百事
吉斛兒以備元旦懸于門首爲新歲吉兆其各坊巷叫
賣蒼朮小棗不絕又有市爆杖成架烟火之類自此人
月街市有貧匄者三五人爲一隊裝神鬼判官鍾馗小
妹等形敲鑼擊鼓沿門乞錢俗呼爲打夜胡亦驅儼之
意也

除夜

十二月盡俗云月窮歲盡之日謂之除夜士庶家不論

大小家俱洒掃門閭去塵穢淨庭戶換門神挂鍾馗釘
桃符貼春牌祭祀祖宗遇夜則備迎神香花供物以祈
新歲之安禁中除夜呈大驅儼儀並係皇城司諸班直
戴面具著繡畫雜色衣裝手執金鎗銀戟畫木刀劍五
色龍鳳五色旗幟以教樂所伶工裝將軍符使判官鍾
馗六丁六甲神兵五方鬼使竈君土地門戶神尉等神
自禁中動鼓吹驅祟出東華門外轉龍池灣謂之埋祟
而散是日內司意思局進呈精巧消夜果子合合內簇
諸般細果時果蜜煎糖煎及市食如十般糖澄沙糰韻

夢梁錄卷六

七

果蜜姜豉阜兒糕蜜酥小餲螺酥市糕五色其豆炒槌
栗銀杏等品及排小巧玩具頭兒牌兒貼兒小酒器上

插

盒子中做造像生大安輦或玉輅

九

等是夜禁中爆竹嵩呼聞于街巷

煙火屏風諸般事件爆竹及送在

爆竹聲震如雷士貪不以貪富家

如同白日圍爐圍坐酌酒唱歌鼓

謂

之守歲

夢梁錄卷六